

## A PƆƆL GĀN WŪN SĒB KŪ A NĀANMĪN PUORBO NA BE A KOLOSE

**I** Maa PƆƆl na ɪ a Yesu Kɪrɪsto nɪtŏnāa an ɪ a Nāanmɪn bɔfɔ pɔ nɪ Timoti na ɪ a sɪ yebe,

**II** seere kɔrɔ a Nāanmɪn nɪbe nɪ a yeer na tara a sɔɔfɔ a Kɪrɪsto pɔ na be a Kolose. Wāefɔ nɪ nyā'maar na yi a sɪ Sāa Nāanmɪn sē a be a yɪ sē.

**III** Sɪ ma puor Nāanmɪn yāan na ɪ a sɪ Soro Yesu Kɪrɪsto Sāa, sɪn wa sɔrɔ kɔrɔ yɪ,

**IV** bojūu sɪ wŏn a yɪ sɔɔfɔ yɪn tara a Yesu Kɪrɪsto 'yɔɔ nɪ a nŏfɔ 'lɔ yɪn tara kɔ a Nāanmɪn nɪbe ba jaa.

**V** A yɪ sɔɔfɔ nɪ a nŏfɔ na yi a tɛrtɔfɔ jie na gā gu yɪ be a saaju a 'lɔ yɪn de nie wŏ, a yelmāe 'yer na ɪ a 'yer nŏɔ

**VI** 'lɔ na wa a yɪ sē. A wer wɔ jaa, a 'yer nŏɔ nyā wŏnŏ na wŏmŏ na a nŏɔnŏ nɪtāa le an ben ɪre a yɪ pɔ, an yi a bɪbir 'lŏnŏ daar jaa yɪn wŏ naa na yɪ bŏɔ a Nāanmɪn wāefɔ par a yelmāe pɔ.

**VII** Yɪ jān a nyā yɪn Epafaras sē na ɪ a sɪ tŏtŏtɔ āsɔɔ. Wɔ ɪn yelmāe sɔɔ na de a sɪ jie mɔɔlɔ a Kɪrɪsto 'yer.

**VIII** 'Lɔ le wa man kɔ sɪ a nŏfɔ 'lɔ yɪn tara a Nāanmɪn Sɪe pɔ.

**IX** A le jūu, an yi a daar 'lŏnŏ jaa sɪn wŏ naa, saa dŏɔ gal ɪka sɪ sɔɔr Nāanmɪn kɔ yɪ ε, na sɪ

sɔɔɔ ɪka a Nāan̄m̄n wɔ pɔɔ yɪ a wɔ bofo yē, a sɪe pɔ yē, a jaa nɪ par bɔɔfo.

**X** A sɪ sɔɔɔfo lɛ ɪka, a yɪ befo a viɛɛ kɔ a sɪ Soro, ka a peɛ a wɔ pɔɔ, na yɪ wɔn̄ɔ bisɔn̄ tɔvɪla jaa pɔ, na yɪ baa a Nāan̄m̄n yē pɔ.

**XI** Sɪ mɪ ma sɔɔɔ na ɪka Nāan̄m̄n wɔ maal yɪ ka yɪ kp̄ɛmɛ nɪ a kp̄ɛn ala a jaa na yɪ a wɔ tɪr kp̄ɛɔ pɔ, na yɪ nyɔɔɔ yɪ m̄ɛ tara k̄anyir yele jaa pɔ, nɪ pɔpɛl.

**XII** Na yɪ ma d̄ana a S̄aa, 'lɔ lɛ kaa a yɪ sɛɛ, ka yɪ na p̄ɔ a Nāan̄m̄n n̄abonsɪ nɪ a wɔ nɪbɛ a ch̄aa pɔ.

**XIII** Bojūu 'lɔ lɛ faa sɪ yin a libe kp̄ɛɔ pɔ, na wɔ 'yɔɔ sɪ a wɔ Bin̄n̄aa n̄aal̄ɔ pɔ.

**XIV** A wɔ 'yɔɔ lɛ sɪ nye faafɔ, na sɪ nye yelbier v̄ɛ kufɔ.

**XV** A Yesu na wa tɪ wa a wɛr ju, 'lɔ lɛ wiil sɪ a Nāan̄m̄n nȳa sɪn ba nyɛɛ nɪ a nɪbir ɛ, a lɛ won be. 'Lɔ lɛ tara kp̄ɛɔ a bonsɪ a jaa pɔ a Nāan̄m̄n na maal.

**XVI** Bojūu a wɔ pɔ lɛ a bonsɪ a jaa na be a saaju, nɪ a ala na be ka a wɛr pɔ maal, ala sɪn nyɛɛ, nɪ a ala sɪn ba nyɛɛ ɛ, nɪrɛ 'lɔ jaa na tara kp̄ɛɔ ɪ a tɔɔfo sɔɔ, nɪ a malakasɪ ala gba na tara kp̄ɛɔ, nɪ a kp̄ɛn bonsɪ, a jaa maal tu a wɔ pɔ, ka a ɪ a wɔ sofo.

**XVII** A 'lɔ lɛ d̄ɔɔ a bonsɪ a jaa be be, a wɔ pɔ lɛ a bonsɪ a jaa 'mataa.

**XVIII** 'Lɔ mɪ lɛ ɪ a āḡan ju sɔɔ, a pupuorbiir. 'Lɔ lɛ ɪ a pielfɔ, nɪ a bid̄ɔɔ na wɔ de nie ir a kūu pɔ, na waa lɛ kpi go ɛ, ka yele jaa pɔ, ka wɔ ɪ a ju sɔɔ.

**XIX** Bojũu a Nãanmın pɔɔ pɛl wɔ naa ka wɔ befo wɔ jaa be a wɔ pɔ.

**XX** A tun a wɔ pɔ, ka Nãanmın le 'maal a bonɔ a jaa kɔ a wɔ m̄ɛ, ka a ala na be a saaju bu a ala na be ka a wer pɔ. Wɔ maal ka nyã'maar be be, nɪ a wɔ jãɪ a daa ju won kpi.

**XXI** Yɪ dõɔ jãan a Nãanmın na yɪ ɪ a wɔ dõdẽme, a yɪ yeldɛbe ɪfo jũu.

**XXII** Tɪche põpãanyã, wɔ 'maal yɪn tun a Kırısito na wa ɪ nɪsaal na wɔ kpi. Nãanmın maal a nɪtõ ka yɪ ɪ cheche a wɔ s̄ɛ, na yɪ kɔ tara chefo jaa ɛ, bu tara 'yer dɔɔl ɛ,

**XXIII** ala ɪ yɪ chene na ba gber a yɪ soɔfo pɔ, na yɪ taa tɔɔ yɪ a tɪertɔ 'lo na ɪ a 'yer nõɔ nyã yɪn wõ ɛ. A 'yer nõɔ nyã le yɪ wõ ban mɔɔl kɔ nɪre jaa ka a wer ju. Ala le a maa Pɔɔl ɪ a tõtõnõ.

**XXIV** Põpãanyã, n pãa chɪle naa a n dɔɔye un di a yɪ jũu, naa na di a dɔɔye ala a jaa a Kırısito na bɔɔɔ ɪka n di kɔ a wɔ ãgãn na ɪ a pupuorbiir jũu.

**XXV** Nãanmın maal man ka n ɪ a wɔ tõtõnõ kɔ a pupuorbiir naa na man a wɔ 'yer nõɔ jaa ne ne ne kɔ yɪ.

**XXVI** A yele nyãna le soɔl a kõro jaa a sãakpãmune s̄ɔɔ, tɪche ka a pãa yɪ chãa pɔ a wɔ nɪbe s̄ɛ.

**XXVII** Nãanmın le kaa ir ɪka wɔ v̄ɛ ka a wɔ nɪbe bõɔn s̄ɪre jaa a le wɔ tara a tɪer kɔ a nɪbe ba jaa, ɪka a Kırısito ben a yɪ pɔ, na ɪ a tur tɪertɔ jie.

**XXVIII** A Kırısito le sɪ mɔɔlo, na sɪ kpãana nɪre jaa wile nɪ nɪre jaa nɪ ȳɛ jaa bɔɔɔ, ka sɪ na de nɪre jaa kɔ wɔ ka wɔ ɪ cheche.

XXIX A nyã jũu le n tǒnǒ hãna dire dooye ni a wɔ kpɛɔ wɔ jaa won tǒnǒ tun a n 'yɔɔ.

## II

I N bɔɔɔ na ɪka yi bɔɔ a le ɪn mɔɔɔ a yi 'yɔɔ ni a bala na be a Laodisea, ni a bala jaa na ba nye a maa mǎe ni nɪbir ε.

II Maa bɔɔfɔ le ɪka yi tara ǎkpǎen a yi nyǎn pɔ, na yi ɪ nebɔ'yen nǒ taa, ka a le na vɛ ka yi tara par bɔɔfɔ yɔɔ jaa a nǎbonsɪ a jaa pɔ, na yi bɔɔ a Nǎanɪmɪn yelsɔɔlsɪ, na ɪ a Kɪrɪsɪto.

III A wɔ pɔ le a nǎbonsɪ, ni a yɛ, ni a bɔɔfɔ a jaa sɔɔl.

IV N 'yere na a nɪtɔ kɔɔɔ yi ka nɪre jaa taa wa bel yi ni neɕɪre 'yer na nyetǎan yelmǎe ε.

V An sɔɔ ɪ a maa mǎe na ba be a yi sɛ gba ε, tɪche n tara na a yi tɪer. N chɪle na bɔɔɔ ɪka n nye a le yɪn tara nebɔ'yen ni a le a yi sɔɔfɔ na kpɛme a Kɪrɪsɪto 'yɔɔ.

VI A le jũu, yɪn de a Yesu Kɪrɪsɪto ka wɔ ɪ a Soro, yi chene be a wɔ 'yɔɔ.

VII Yɪ ba nyɪbe na yi baa a wɔ 'yɔɔ, na yi nǒɔ kpɛme a sɔɔfɔ pɔ, fɪka a le ban dɔɔ wiil yi, na yi ma puor wɔ yǎan sɔɔ jaa.

VIII Yɪ kaara sɔ ka nɪre jaa ta wa de yi ka yi ɪ gbǎgbaar tu a belfɔ ala na ba tara tǒnǒ pɔ ε, ni nɪsaal yɛ ε, na ɪ a ala na kaara a wer nyǎ ju ban taa kaara a Kɪrɪsɪto wiilfɔ.

IX A Nǎanɪmɪn befɔ wɔ jaa ben a Kɪrɪsɪto 'yɔɔ.

X Yɪ sɛε naa bojũu yi sɔɔn a Kɪrɪsɪto, 'lɔ le ɪ tɔɔfɔ dɛme ni a kpǎen dɛme ba jaa ju sɔɔ.

XI A wɔ 'yɔɔ, ba mɪ ηma yɪn a yɔɪ ka a yelbier 'lɔ na yi a yi pɔ, a ba ɪ puor ηmaafɔ 'lɔ nɪsaal

na de wɔ nũu ŋmaan ε, tiche yoor ŋmaafɔ 'lo Kɪrisito na ŋmaa.

**XII** Ban dɔɔ so yi a Nãaŋmɪn kɔɔ, ba ũu yɪn a Kɪrisito kaar, ka yi ir a kũu pɔ fika a Kɪrisito, bojũu yi sɔɔn de a Nãaŋmɪn nyã na sãi a Kɪrisito a kũu pɔ, na tara kpɛɔ.

**XIII** Tiche a yɪn bala na ba ɪ a Juu nɪbe ε, sere ti yi wa sɔɔ a Kɪrisito, yi dɔɔ kpi a yi sur pɔ, bojũu yi dɔɔ ɪ yelbe-ɪrbe, na yi jãan Nãaŋmɪn, bojũu yi sɔɔn a Nãaŋmɪn nebinsɪ. Tiche Nãaŋmɪn kɔ yɪn a nyevor paalaa a Kɪrisito 'yɔɔ, na wɔ vɛ kɔ yi.

**XIV** Nãaŋmɪn fɔfɔn a sɪ yelbebe ala na dɔɔ seb bin bar. Ala le dɔɔ 'yer 'yer dɔɔl sɪ. Ala le dɔɔ fire sɪ na a ŋmaa sɪ yɪn, wɔ den bar na wɔ kpa yaa a daa ju.

**XV** Nãaŋmɪn tɔɔn a sɪdebe nɪ a kpãen dɛme, na wɔ maal ba ka a ɪ dãasɪe nyɔɔ jaa niem. Wɔ tɔɔ ba naa nɪ a Kɪrisito daa ju kũu.

**XVI** A le jũu, yi ta vɛ ka nɪre jaa tɔɔr a yi 'yer nɪ bon 'lo yɪn dire bu nyuro ε, bu tun a Juu nɪbe lɔɔ difɔ pɔ ε, bu Chuu Paalaa Dãen pɔ ε, bu a Pɛnfo Bɪbir Daar ε.

**XVII** A anyã ɪ naa a yelsɪ ala nɪ taa dɔɔ wa gãagiel, tiche a yelmãe ben a Kɪrisito 'yɔɔ.

**XVIII** Yi ta vɛ ka nɪre jaa kpãkpãan yi nɪ jir 'yer ɪka, yi siir a yi mãe na yi puoro a malakasɪ ε, a le na vɛ naa ka yi kɔ nye a sãyar ε. A nɪre nyã tɔ sɔɔ ma vier kpe a yele pɔ tier ɪka wɔ tara na kpɛɔ nɪ a ala won nye. A wɔ yelbier tier ma vɛn ka wɔ wile wɔ mãe.

**XIX** A nɪre nyã ba nyɔɔ a 'lo na ɪ a ju ε. Nɪtãa a le a ju na ma wile a ãgãn, ka a jile nɔɔ nyɔɔ a

ãgãñ 'mataa a le a Nãañmın na bõõõ.

**XX** An ı yın nı a Kırısıto le 'mataa kpi, a wer nyã ju kpãen bonsı, ba le tara kpẽõ a yı ju ε. Njmunε ka a yı kpεfõ chene kaara fıka yı chene na ı a wer sofõ?

**XXI** Ta nyõõ bon nyã ε! Ta lem bon nyã kaa ε! Ta sur bon nyã kaa ε!

**XXII** A neer anyãna a jaa tufõ ın yelsı na ba le tara tõnõ jaa ε, bojũu a ın nısaal nebınsı nı nısaal willfõsı le.

**XXIII** A nebınsı anyãna nyentãan fıka yẽ yele na ı a ba mãε puorfõ yele nı mãε siirfõ yele nı nıbıkõõ ãgãñ kaafõ yele. Tıche a anyãna maa sõõ ba ka ba tõõ nyõõ a ba mãε a yelbier võlaa põ ε.

### III

**I** A le jũu, an ı yın nı a Kırısıto le a Nãañmın 'mataa sãın a kũu põ, yı de a yı tıer 'yõõ a bonsı ala na be a saaju, be a Kırısıto na jãne a Nãañmın nũsõõ jie.

**II** Yı de a yı tıer 'yõõ a saaju bonsı põ, tı na yı ta de a yı tıer 'yõõ a wer ju bonsı põ ε.

**III** Bojũu yı kpi naa, ka a põpãanyã ka a yı nyevõr sõõl a Kırısıto a Nãañmın 'yõõ.

**IV** An ı a Kırısıto le kõ yı a nyevõr paalaa, 'lo wa nyır, yı mı na 'mantãan wõ nyır, na yı nye a wõ tır.

**V** A le jũu, yı kõ a ala na be a yı 'yõõ na ı a wer yele. A yelsı ala le a anyãna, sẽfõ yele, dæer yele, võldæer, tıer dæer, nı bõgar na nyetãan tıbe puorfõ.

**VI** A bonsı anyãna jũu, Nãañmın suur ire naa.

VII A sɔbie anyāna le yɪ mɪ dɔɔ turo, a le yɪn dɔɔ kpɪere a nyevɔr 'lɔnɔ pɔ.

VIII Tɪche pɔpāanyā, yɪ tɔɔ yɪ māe yin a yelsɪ anyāna pɔ, suur, putuyele, gefɔ, gagar yele, nɪ 'yerbidebe na ma yire a yɪ negāma pɔ.

IX Yɪ ta ηmara jirsɪ 'yɔɔnɔ taa ε. Yɪ ta maala a le go ε, yɪ yaa a kōro yele nɪ a wɔ maalfɔsɪ bar,

X tɪ na yɪ su a pɔpāanyā yelpaalaa. Nāanmɪn maal yɪn ka yɪ ɪ nɪpaalaa, na wɔ maala yɪ, ka yɪ na kaara a wɔ kaar, ka yɪ na bɔɔ wɔ yelmāe jaa.

XI Bamɪne ba le chene ɪ a Juu nɪbe bu ka bamɪne mɪ ba ɪ a Juu nɪbe ε, ka bamɪne ηma yɔɪ bu ka bamɪne mɪ ba ηma ε, ka bamɪne ɪ sāanba bu ka bamɪne mɪ ɪ nɪyɔɔrsɪ ε, ka bamɪne ɪ gbāgbaar bu ka bamɪne mɪ ɪ sumɪne ε, tɪche a Kɪrɪsɪto le ɪ a jaa na wɔ be a jaa 'yɔɔ.

XII A le jūu, an ɪ Nāanmɪn le kaa ir yɪ, ka yɪ ɪ cheche na wɔ nɔ yɪ, yɪ pɔɔ a yɪ māe nɪ nɪbaal, vɪla maalfɔ, māe siirfɔ, jomm ɪfɔ nɪ kānyir.

XIII Yɪ ma tara kānyir kɔ taa, āsɔɔ jaa wa tara nɪ a wɔ tɔ sɔɔ 'yer, yɪ ma vɛ kɔ taa. Yɪ vɛ bar nɪtāa a le a sɪ Soro na ma vɛ bar yɪ.

XIV A yelkpɛε jaa le ɪka, yɪ de nɔfɔ su. 'Lo le ma nyɔɔ bonsɪ a jaa 'mataa ka a tara nebɔ'yen.

XV Yɪ vɛ ka a Kɪrɪsɪto nyā'maar pire a yɪ nyān, yɪ jaa pɔɔn a āgān jiir pɔ, na wɔ boɔl yɪ ka yɪ tara nyā'maar. Yɪ ma puor wɔ yāan.

XVI Yɪ vɛ ka a Kɪrɪsɪto 'yerbir di nāa a yɪ pɔ, yɪn wa wile tɪ kpāana taa, nɪ a yɛ wɔ jaa. Yɪ ma yiele Nāanmɪn pɛefɔ yiel, popel yiel, nɪ a yiel na yɪ a yɪ nyān pɔ, na yɪ kɔɔ Nāanmɪn.

**XVII** Bon 'lo jaa yin wa maala, ka 'yerbir le bu, ka maalfu po le, yi ma maal bon jaa, ni a si Soro Yesu yuor, na yi ma tu a wo 'yɔɔ puor a Sãa Nãanmɪn yãan.

**XVIII** Pɔbɔ, yi siir a yi mǎε kɔ a yi sirbε, le le vɛlε kɔ a si Soro.

**XIX** Sirbε, yi nɔ̃ a yi pɔbɔ, na yi ta ma pirpire ba ε.

**XX** Bibiir, yi wɔ̃nɔ̃ a yi dɔɔrbɔ toor ye le jaa po, le le pele a si Soro pɔɔ.

**XXI** Sãamɪne, yi ta ma maala ka a yi bibiir suur ire ε, a le a ba tɛr kɔ̃ gã jibɔ̃'yen ε.

**XXII** Gbãgbaar, yi sɔɔrɔ a yi nɪberε neε ye le jaa po. Yi ta ma vɛ̃ ka ba wa fur nɪbir yɔ̃ɔ yi, ka yi pãa maala a le ban bɔɔrɔ ε, tɪche yi ir a yi nyãa wo jaa 'yɔ̃ɔ, yin joro a si Soro dãbãε jũu.

**XXIII** Bon jaa yin wa maala, yi ir a yi nyãa 'yɔ̃ɔ tɔ̃nɔ̃ ni ka a kaara fɪka a si Soro le yi tɔ̃nɔ̃ kɔrɔ, tɪche a ta ɪ fɪka nɪsaal le yi tɔ̃nɔ̃ kɔrɔ ε.

**XXIV** Yi bɔ̃ɔn naa ɪka yin ti den a yi nãbonsɪ a si Soro sɛ̃ na ɪ a yi sãyar. A si Soro Kɪrɪsɪto le yi tɔ̃nɔ̃ kɔrɔ.

**XXV** Nɪrε jaa wa maal yelbier, a yelbier sãyar le won ti nyε. Nãanmɪn ba turo nɪbε nɔ̃nɔ̃ ε.

## IV

**I** Nɪberε, yi ma kɔrɔ a yi gbãgbaar a le na tor na a sɛ̃n, bojũu yi bɔ̃ɔn naa ɪka yi mi tara na nɪkpɛε na be a saaju.

**II** Yi de a yi mǎε 'yɔ̃ɔ Nãanmɪn sɔɔrfu po. Yi kaara sɔ̃ na yi ma puor wo yãan.



III Na yɪ mɪ ma sɔɔɔ kɔɔɔ sɪ ka Nāaŋmɪn na yuo sɔɔ kɔ a sɪ mɔɔlfɔ ka sɪ na mɔɔl a Kɪrɪstɔ yelsɔɔlsɪ. A 'lɔ pɔ lɛ ba 'yɔɔ ma a bɔjɔrsɪ.

IV Yɪ sɔɔɔ Nāaŋmɪn ka n na mɔɔl jaa che che che a lɛ an sɛɛn.

V Yɪ ɪ yɛn dɛmɛ nɪ a lɛ yɪn maala a bala na ba ɪ a Nāaŋmɪn puorbo sɛ. Yɪ mɔɔ nɪbɪr, yɪn wa nyɛ jie.

VI Yɪ ma vɛ ka a yɪ bɔɔr ma ɪ wāɛfɔ 'yɛrbɪɛ tɪ nɔ̄mɔ̄ nyaar kaar. Ka yɪ na bɔɔ lɛ yɪn na 'yɛr sɔɔ nɪrɛ 'lɔ wa sɔɔr yɪ 'yɛr.

VII Tɪchɪkɪstɪ na man a maa 'yɛr a jaa kɔ yɪ. Wɔ ɪn a yɛbɛ ɪn nɔ̄ na wɔ mɔɔlɔ a 'yɛr nɪ yɛlmāɛ. Na wɔ ɪ a tɔ̄tɔ̄tɔ sɔɔ a sɪ Soro 'yɔɔ.

VIII N tɔ̄nɔ̄ wɔ naa a yɪ sɛ ɪka wɔ tɪ 'yɛr kɔ yɪ a lɛ sɪn ɪrɛ a ka, na wɔ 'yɔɔ a yɪ nyān ākpāɛn.

IX 'Lɔ nɪ Onɪsɪmɔsɪ lɛ 'mataa waaɔ. Wɔ ɪn yɛlmāɛ sɔɔ na wɔ ɪ a yɛbɛ sɪn nɔ̄. Wɔ ɪn a yɪ āsɔɔ. Ban man kɔ yɪ bon jaa na ɪrɛ a ka.

X Aristakus mɪ ban 'mataa pɔɔn ma puoro yɪ naa, lɛ lɛ a Maakɪ mɪ na ɪ a Banabasɪ yɛbɛ mɪ puoro yɪ. Yɪ dɔɔ wɔ a wɔ kpāafɔ yɛlɛ, ala ɪ wɔ wa wan a yɪ sɛ, yɪ tuor de wɔ.

XI Yesu mɪ ban bɔɔlɔ Jusɪtusɪ mɪ puoro yɪ naa. A nɪbɛ banyāna tɛɛ lɛ ɪ a Juu nɪbɛ a n tɔ̄tɔ̄nɔ̄ pɔ a Nāaŋmɪn nāalɔ̄ jūu. Ba tara na āgān 'maar kɔ ma.

XII Epafaras na ɪ a yɪ āsɔɔ na wɔ ɪ a Yesu Kɪrɪstɔ tɔ̄tɔ̄nɔ̄, puoro yɪ naa. Wɔ ma sɔɔɔ na Nāaŋmɪn nɪbɪjɛ kɔɔ yɪ ka yɪ na ara kpɛɔ a lɛ a Nāaŋmɪn na bɔɔɔ.

XIII N din a wɔ dāasɪɛ ɪka wɔ tɔ̄nɔ̄ na kɔɔ yɪ nɪ a bala na be a Laodisea nɪ a Hirapolis tɛn pɔ.

XIV A si yebe sin nõ, Luka na ı a titile ni Demas puoro yi naa.

XV Puor Nımfı nı a pupuorbiir bala na ma tuor a wõ yir na be a Laodisea.

XVI Bala wa kar a gãn nyãna ku a yın Kolose dẽme, yi mõi ka ba mı kar wõ be a Laodisea pupuorbiir pɔ. Yi mõi na yi mı kar a gãn 'lo ın seb ku a Laodisea pupuorbiir.

XVII Yer ku Archipus, "Mõi tı na fı baa baar a tõi mõi ala fon nye a si Soro 'yõi."

XVIII Maa Pɔɔl le seere a puorfõ nyã nı a maa mãe nõu. Yi tier a bõjorsı ban 'yõi ma. Wãefõ a be a yi sã.

**A Nãanmun Nɛtur Oaalaa Gãn, Burfoor  
Birifor, Southern: A Nãanmun Nɛtur Oaalaa Gãn,  
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

---

PDF generated using Haiola and XeLaTeX on 18 Apr 2025 from source  
files dated 29 Jan 2022

97b1f1fe-19fd-52d9-9481-ad2a6ade2772